



Anna Wangenheim
Inatsisartunut ilaasortaq
Demokraatit
inatsisartut@inatsisartut.gl

**Pisortat inissiaataanni attartortittakkani oquk kiisalu Ineqarneq pillugu
Maalaaruteqartarfik pillugit § 37 naapertorlugu apeqquteqaammut 2024-105-imut
akissut**

29-06-2024
Sagsnr.: 2024-11162
ID nr.: 92832241

Asasara Anna Wangenheim,

Inatsisartut suleriaasianni § 37 naapertorlugu pisortat inissiaataanni attartortittakkani oquk kiisalu Ineqarneq pillugu Maalaaruteqartarfik pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1: Naalakkersuisut qanoq isummerfigaat, innuttaqartugut, pisortanit
pigineqartunit illuni oquttuni najugaqartunik?**

Akissut: Taamaattoqarsimappat tamanna Naalakkersuisut ajornartorsiutitut isigaat, ajuusaarutigingaarlugulu. Attartortut napparsimalertarnerinut uppersarsaasunik Naalakkersuisut paasissutissaateqanngillat. Namminersorlutik Oqartussat inissiaataat napparsimalissutaannginnissaat, oqoqalersimasullu suliarineqarnissaat qulakkeerumallugu Namminersorlutik Oqartussat inissiaataat oqoqalersimasut nutarternissaat pillugit, Naalakkersuisut suliniummik annertuumik aallartitsinikuupput. Taamaalluni ukiuni kingullerni aningaasanut inatsisini konto pingaarnep 89.72.12 Inissialiassat taartissanillu inissialiortiternerup ataani, suliniummut tassunga aningaasanik annertuumik immikkoortitsisoqarnikuuvoq.

Tassunga tunngatillugu inigisap oqoqarnera pillugu maalaaruteqartoqaraangat, INI A/S-
ip attartortut sullitarpai. Inissiat oqoqartut pillugit periarfissat arlaliusarput,
iliuuseqarfigineqarnissaannilu pissutsit assigiinngitsut apeqqutaasarlutik. Tassunga
tunngatillugu INI A/S tulliuuttutut paasissutissiivoq:

*"Attartortup utaqqiisaarutigalugu inissiamut allamut nuukkallarnissaanik imaluunniit
inimut allamut nuunnissaanik neqeroorfigineqarnissaani, inissiap qanoq oqoqartiginera,
najugaqarfiullu aningaasaqarnera aalajangiisuusarput.*

*Annikitsuinnarmik oqoqalersimatillugu, najugaqarfinni amerlanerni attartortut allamut
nuutsinngikkaluarlugit tassuugu suliarineqartarput.*

*Inissiaq annertunerusumik oqoqalersimatillugu, inissiap nutarternerani
najugaqarfigisinnaasaminik attartortoq utaqqiisaarutigalugu inissiamut nuunnissamut
allatsissinnaasarpoq (inissiat ilaat pisatsersoriigaasarput, ilaallu pisatsersoriigaaneq
ajorlutik – illoqarfik apeqqutaasarpoq).*

Najugaqarfiit ilaanni oquk patsisaalluni nutarterinissamut aningaasassaqartinnagu imaluunniit nutarterinissaq utaqqingaatsiartussaattillugu, attartortoq pisatani tamaasa nassarlugit utaqqiisigalugu inissiamut nuunnissaanik imaluunniit inissiamut assingusumut ataavartumik nuunnissaanik neqeroorfigineqarsinnaasarpog. (Pisoq apeqqutaasarpog).

Attartortut sivikitsuinnarmik imaluunniit sivisuumik utaqqiisaarutigalugu najugarisinnaasaannik ininik inueruttoqarnissaanut, najugaqarfiit / illoqarfiit ilaanni utaqqisoqangaatsiarsinnaasarpog.

Massakkut attartortut, attartortuulerumaartussallu eqqarsaatigalugit Namminersorlutik Oqartussat inissiaataasa qanoq-issutsimikkut iluarsiiqqineqarnissaat Naalackersuisut annertuumik ukkatarat. Taamaattumik ineqarneq pillugu aqqissusseqqinnissaq pillugu Naalackersuisut Inuit Ataqatigiinnik (IA) aamma Siumumik politikikkut isumaqatigiissusiornikuupput. Inissiat aserfallatsaalineqanngitsut amerliartornissaasa unitsinneqarnissaasa siunertaasup saniatigut, Namminersorlutik Oqartussat inissiaataannik massakkut attartortut, kinguaariillu tullii silaannarissunik inissiaqarnissaannik qulakkeerinnissalluni aqqissusseqqinnertigut, Namminersorlutik Oqartussat inissiaataat nutarterneqartussaapput.

Apeqqut a: Naalackersuisut paasisimasaqarpa, innuttaasut qassit, taama inissisimanerannik?

Akissut: Peqqinnissamut Naalackersuisoqarfik tapersiissuteqaqqunerami ima paasissutissiivoq:

"Illup iluata silaannaanut/oqummut atatillugu nassuiarluarsimasunik nappaateqanngimmat, apeqqutip matumap akinissaanut Peqqinnissamut Naalackersuisoqarfik paasissutissanik tapersiissuteqarsinnaanngilaq. Tamanna aamma patsisaalluni peqqinnissaqarfiup napparsimasunut elektroniskimik allattorsimaffianni nappaammut immikkut kodeqanngilaq. Taassumap ilutigisaanik imaappog, inissiap oqoqarnera patsisaalluni ilumut napparsimalertoqarsimanersoq uppersaruminaassinnaasoq."

Apeqqut b: Taarsiissutaasinnaasunut periarfissat suuppat, attartortoq napparsimalersimappat toqqaannartumik attartukkami oqoqalersimanerata kingunerisaanik?

Akissut: Pisortat inissiaataanni attartortittakkani uppersarsakkamik oqoqarnera patsisaalluni attartortut napparsimalersimaneranut taarsiissuteqarnissamut, ineqarneq pillugu inatsisitigut tunngavissaqanngilaq. Taassumap saniatigut apeqqut 1 a-mut akissut innersuussutigineqarpoq.

Apeqqut c: Attartortumut inissigallarnissamut periarfissat suuppat, inip attartukkat oqoqarnerata paasineqarnerani?

Akissut: Oquk patsisaalluni inissiaq najugaqarfigineqarsinnaanngitsog nalilerneqassappat, Inissianik attartortitsisarneq pillugu Inatsisartut peqqussutaanni (attartortitsinermut peqqussummi) § 68 atuutilissaaq. Attartukkap nutarterneqarneranut imaluunniit isarterneqarneranut atatillugu attartugaq atorunnaarsinneqassappat, taartissatut inissiamik innersuussisoqassasoq aalajangersakkatigut aalajangersarneqarpoq. Apeqqut 1 b-mut akissut aamma takuuk.

Apeqquut d: Suliaq sumut killippa attartortut periarfissinniarlugit inimut tunniunneqartumut itigartitsisinnaanerannik, taanna ini siusinnerusukkut oqummik eqqorneqarsimammat?

Akissut: INI A/S tapersiissuteqaqquneqarami ima paasissutissiivoq:

"Inissiaq innersuussaq oqoqarnera patsisaalluni nutarterneqarsimanersoq, massakkut attartortuusooq ataaseq paasissutissanik piniarnikuuvoq. Inissiaq innersuunneqartoq oqoqarnera patsisaalluni nutarterneqarsimasooq attartortooq paasitinneqarpoq, oqoqarunnaarsimaneranillu uppersaammik takutitsivigineqarluni."

Apeqquut e: Qanoq akulikitsigisumik INI A/S illuutiminik misissuisarpa illup qanoq innera misissorniarlugu soorlu assersuutigalugu oqoqarnera?

Akissut: Apeqquut 1-imut akissut innersuussutigineqarpoq tassani INI A/S ima paasissutissiimmat:

"Aalajangersimasumik malitaqarluni inissiat misissorneqarneq ajorput. Isertertoqarneranut, inillu qimannerinut, nutarterinissaq siunertaralugu nalunaarsuineranut, sulisartut nalunaaruteqarnerinut imaluunniit sulisorisat attartukkami suliasaqarnerinut, inissiani ajornartorsiutigineqartartuni misiliilluni tigusinernut, inissianullu isernernut tamanut atatillugu soorunalimi misissuisoqartarpoq. Attartortullu ajornartorsiutaasinnaasunik namminneerlutik nalunaarfigigaangatigut."

Apeqquut 2: Naalackersuisut nassuiarsinnaanerpaat, attartortut sunik pisinnaatitaaffeqarlutillu illersorneqarsinnaanersut, Ineqarnermut naammagittaalliortarfiup attartortooq isumaqatigalugu isummersimappat?

Akissut: Attartortitsinermut peqqussutip § 86-iani imm. 6-iani allassimavoq, Ineqarneq pillugu maalaaruteqartarfiup aalajangiineri inissianik attartortitsisuusunit pinngitsoorani malinneqassasut, taamatullu attartortitsisut avataaniit allaffissornikkut aqutsisumik isumaginnittuutitaqarpata, maalaruteqartarfiup aalajangiineri taakkunannga pinngitsoorani aamma malinneqassasut.

Apeqquut a: Tassani Ineqarnermut naammagittaalliortarfik sunik pisinnaatitaaffeqarpa?

Akissut: Attartortut maalaarutaat Ineqarneq pillugu Maalaaruteqartarfiup suliarisarpai, attartortitsinermullu peqqussutip aalajangersagaasa, sinaakkutaasalu iluini tamanna pillugu aalajangiisarluni, tak. peqqussutip § 84-86. Taassumap saniatigut apeqquut nr. 2-mut akissut innersuussutigineqarpoq.

Apeqquut b: Naalackersuisut Demokraatit isumaqatigisinnaanerpaat, INI A/S attartortitsisullu allat Ineqarnermut naammagittaalliortarfiup aalajangigaanik ataqqinnittuaannartariaqartut?

Akissut: Aap, INI A/S kiisalu attartortitsisartut allat inatsimmik malinnittuaannartariaqarnerinut Naalackersuisut isumaqataapput.

Apeqquut c: Naalakkersuisut sunik periarfissaqarpat attartortut ikiorlugillu illersornissaanut, INI A/S imaluunniit attartortitsisut allat Ineqarnermut naammagittaaliortarfiup aalajangigaatut iliuuseqanngippata?

Akissut: Apeqquut nr. 2-mut aamma 2 b-mut akissutit innersuussutigineqarput.

Apeqquut 3: Qaqugu Naalakkersuisut innuttaasut ilisimatinniirpaat, ineqarnermut akiliutit qanoq annertutigisumik qaffassanersut Naalakkersuisut naalakkersuisooqatigiillu ineqarneq pillugu aqqissuusseqqiinerisa malittaaniq?

Akissut: Naalakkersuisut naatsorsuutigaat, Namminersorlutik Oqartussat inissiaataannik aserfallatsaaliisimannginnerup iliuuseqarfigineqarnissaannut pilersaarut aamma najugaqarfiit aningaasaqarnerisa oqimaaqatigiissinneqarnissaannut pilersaarut ukiamut saqqummiutissallugit.

Apeqquut 4: Naalakkersuisut suliniuteqarusunnerpaat malittarisassaniq atuutsitsilernissamut, illuni pisortaniq pigineqartuni tamani allassimasoqartassasoq angerlarsimaffimmi meeqqaniq 18-nit inorlugit ukiulinnik ineqateqarnersut?

Akissut: Paasissutissat Qitiusumik Inunnik Nalunaarsuiffimmeereermata, tamatumingna Naalakkersuisut pilersaaruteqanngillat.

Apeqquut a: Aamma/imaluunniit attartukkami najugallit tamarmik nalunaarutigineqartarnissaaniq?

Akissut: Apeqquut 4-mut akissut takuuk.

Apeqquut 5: Naalakkersuisut malittarisassiorsinnaappat, illuni tamani pisortaniq pigineqartuni kikkut inisimanersut nalunaarutigineqartassasoq?


Akissut: Apeqquut 4-mut akissut takuuk.

Apeqquut 6: Eqqartorneqartumut attuumassutilinnik allaniq Naalakkersuisut paasissutissiisinnaappat?

Akissut: Paasissutissiisutiginnaavara, Namminersorlutik Oqartussat inissiaataannik oqoqalersimasunik 2015-imit manna tikillugu nutarterinermut atatillugu inissiat 400-t, 166 mio. koruunit nalinginut nutarterneqarsimammata.

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga



Hans Peter Poulsen